

北洋官報

目錄

宮門抄 上諭

奏議○法部奏申明罰金定章並擬辦法摺△郵傳部奏

輪船招商局歷年官督商辦情形摺

摺片九則

公啟○禁烟局詳一件△晉州稟一件

文告四則△鐵輔四則△各省四則△各處六則

彙編○憲政編查館奏定自治章程

已西官報目錄

隨畫○日本大阪天子寺之圖

本報今日增加印照片一頁
本日增刊己酉官報目錄一頁

宮門抄

正月初七日 阿公 亨公各續假十五日 鐵良奏請開缺 掌禮司奏十一日祭 奉先殿倫貝子行

禮 宗人府奏改派致祭 太歲壇 派出櫺貝子 召見軍機

正月初八日 壽勳謝署陸軍部尙書 恩 戴中堂續假十日 鐵良謝 賞假一個月 恩 內務

府呈 進九九盒 陸中堂等寬免處分謝 恩 召見軍機

諭

正月初七日内閣奉

上諭鐵良奏假期屆滿病仍未痊懇請開缺一摺鐵良著再賞假一個月毋庸開缺陸軍部尙書著壽勳署理欽此
上諭岑春煊奏查明澧州南洲等州廳縣被水田畝請分別蠲緩遞緩錢漕蘆課等項一摺湖南上年五月間永順
等府澤雨兼旬山水暴發建鎮直下沅西資澧諸水亦一同泛漲澧州等屬田廬被淹秋收均形歉薄若將應徵
錢漕蘆課等項照常徵收民力實有未逮加恩著照所請所有澧州南洲安鄉等州廳縣均著按照被災輕重情
形將應徵錢漕蘆課等項分別蠲緩遞緩以紓民力該撫即將所開詳細數目刊刻謄黃徧行曉諭務使實惠及

民母任吏胥舞弊用副朝廷軫念民艱之至意餘照所議辦理該部知道欽此

正月初八日內閣奉

上諭陸軍部左侍郎著那晉署理欽此

奏議錄要

法部奏申明罰金定章並酌擬詳密辦法摺

奏爲申明罰金定章並酌擬詳密辦法恭摺仰祈 聖鑒事宣統元年十一月初七日軍機大臣欽奉 諭旨

都察院代奏江西舉人廖爾燾以地方罰款諸多浮濫呈請飭下法部申明定章切實整頓條陳一件著法部知道欽此欽遵並抄錄原呈交出到部臣等查原呈內稱國家定例於犯罪之最輕者恒科以相當之罰金所以養國民之廉恥而鼓其自新之機非以是爲籌款之別法也夫罰款之多寡恒視案情之重輕爲斷故必案情既定而後罰金隨之法典具在昭然若揭乃証以今日之所聞則有大謬不然者州縣以爲律有罰金明條也不問案情之何若犯罪之何等一口角之微疵一行動之細故今日催堂明日索金富者垂涎已久固不憚無厭誅求即貧者地無立錐亦不惜以地方官之威權爲竭澤而漁之計小民既畏敲撲復懼追呼鬻產破家必足其額而後已加以差役之侵蝕胥吏之分肥公家之所入無幾而貧民之脂膏盡矣即地方新政迫於要需亦萬不能以便民之端轉而爲擾民之舉萬一不肖官吏藉逞其貪蠹之私民窮財盡後患亦何可言懇據情代 奏請 旨飭下法部申明定章

切實整頓不得於案情未定之先恣意苛索亦不得於案情既定之後額外搜求一有侵漁執法以譏其後庶幾國家新政不致爲閭閻詬病之資於憲政前途不無裨益等語臣等竊維罰金之制自古已然即東西各國亦均參用此法是以光緒三十一年三月間修訂法律大臣奏請變通笞杖辦法改爲罰金並明定章程奉 旨允准

通行各省在案查章程內稱凡律例內笞五十以下者改爲罰銀五錢以上二兩五錢以下杖六十者改爲罰五兩每一等加銀二兩五錢以次遞加至杖一百改爲罰十五兩而止如無力完納者折爲作工罰一兩折作工四日以次遞加至作工六十日而止等語推原變法之意恐笞杖一廢小民或輕於嘗試故必罰金以示警而又慮無力完納者之因而增累也故折工作以濟其窮立法之意本屬無可訾議若如該舉人所呈州縣官因有罰金之條遂恣

意苛索額外搜求是直以恤民之新政轉而擾民殊與憲政初基大相刺謬自非重申告誡無以蘇民困而肅官方惟是此項情弊由來已久並不自近年始當笞杖未改罰金以前地方官藉案勒罰不恤民艱經督撫隨時奏參者無省無之其所罰之數並非如罰金章程自五錢至十五兩而止其所罰之人亦未必均係例應笞若干杖若干之人也遇事徵求幾成錮習頻年計典劣迹昭彰該舉人以爲有罰金之條而後不肖官吏藉以逞其貪蠹似未盡然蓋笞杖改罰爲數無多彼貪官汚吏動輒盈千累百以罰之者並不屑藉此有限之科條以爲依據也今欲湔除此弊非專守罰章限制恐州縣仍蹈故常非責成該管上司切實查考亦恐奉行不力臣等公同商酌擬請嗣後各州縣遇有笞杖應行罰金之犯務先擬定罪名照章科罰總以自五錢至十五兩爲限不得絲毫加增一面開列犯名事由銀數若干張貼署外俾衆咸知一面具報該管上司查考如有背章苛罰者各督撫隨時據實嚴奏該管上司如有意徇隱及失於覺察別經告發者一併分別交部從嚴議處庶公令森嚴不敢仍前翫視而罰章完備亦無庸另議更張矣如蒙 俞允恭候 命下卽由臣部行知各直省督撫將軍都統府尹通飭所屬一體遵照辦理所有申明罰金定章並酌擬辦法緣由是否有當謹恭摺具 奏宣統元年十二月二十三日奉 旨依議欽此

郵傳部奏陳明輪船招商局歷年官督商辦情形並擬查賬辦法摺

奏爲陳明輪船招商局歷年官督商辦情形並擬查賬辦法恭摺具陳仰祈 聖鑒事竊臣部於本年三月十五日准軍機處片交欽奉 諭旨嗣後招商局著歸郵傳部管轄以符名實所有路船郵電四項出入款目均著郵傳部切實考核按年奏銷並咨明度支部覆覈辦理等因欽此具見 朝廷慎重交通綜核名實之至意當經臣

部恭錄 諭旨分別咨札欽遵辦理並於七月十一日將接收招商局日期具報在案伏思臣部爲輪路郵電四政之總匯無一不繫乎交通卽無一不關於財政當此清理度支之時自應嚴切鈎稽以昭核實查輪船招商局自

同治十一年前北洋大臣直隸總督李鴻章奏明創設以來原定爲官督商辦惟時僅有輪船三艘資本亦少迨光緒二年買併旗昌船棧後始大加擴充當因風氣初開商股難集暫借官帑補助責令繳交利息按年還本所有盈虧全歸商認與官無涉迄今本銀早已還清純爲商股並無官款在內是以該局雖向係北洋監督而於一切進款每年除提餘利二成作爲商家報効北洋經費及上海實業學堂經費外餘或歸該局公積或作商股利金其歷年

收支數目僅按月遵具清冊年終刊刻總結帳略除頒示股東外一面呈報北洋大臣覆核並不奏銷此歷年該局官督商辦情形也現在該局既歸臣部管轄所有各事自應欽遵 諭旨酌量變通以求至當款項出入尤係商本攸關雖其中並無官款原可毋庸奏銷然既名爲官督則非妥籌綜理之方亦難曲盡保護之責臣等公同商酌擬由臣部造具月報格式頒發總分各局飭將每月各局存本進款開支結綵四項詳分子目造具清冊先由各埠分局具報上海招商總局再由總局按月按年彙總呈報臣部由臣部詳加考核每屆年終謹將該局盈虧情形奏報一次並咨報度支部農工商部備案如蒙 俞允卽由臣部札飭招商總局遵照辦理至各股東應享利益應仍照常辦理以期保固商本擴充航權前由該商等稟請設立董事會條具章程業經臣部酌核批示試辦其餘關係船政一切規制向未完備容臣等體察情形隨時編輯再行奏明辦理所有奏明招商局歷辦情形並酌擬查核賬目辦法各緣由是否有當理合恭摺具陳伏乞 皇上聖鑒訓示謹 奏宣統元年十二月十三日奉 旨已錄

摺片摘要

吏部奏遵章預陳明年籌備立憲實行辦法事宣統元年十二月二十七日奉

又奏議覆浙撫奏保薦孝廉方正應造具清冊送部事同日奉

又奏議覆豫撫奏 特用直隸州徐壽茲酌補光州直隸州議駁事同日奉

又奏議覆陝撫奏改選班知縣裴維信試署白水縣知縣事同日奉

又奏各省補用知縣等缺彙奏事單一件奉

又片奏學治館教習道員孫宗麟仍充教習暫緩赴省事同日奉

又奏議覆東督奏已革江西補用知縣梁世綸開復原官事同日奉

又奏擬改外補州縣輪次事表冊一本同日奉

又奏覈議各省查覆並無被叅冤抑人員請加等處分事同日奉

旨憲政編查館知道

旨依議

旨依議

旨依議

旨依議

旨依議

旨依議

旨依議冊交出

旨依議

公牘錄要

直隸禁煙總局詳冀州辦理禁煙認真請彙案給獎文

爲詳覆事竊職局蒙 憲台批冀州稟訪拿開燈煙店分別罰辦並請將房屋充作簡易識字學塾公用請查核示遵由一案蒙批據稟已悉該犯郭子江違禁開燈煙店不法應否准如所擬罰充苦工一年仰禁煙總局核明詳覆飭遵至封禁房屋傢具撥歸學校事尙可行即由局移會學司查照飭知餘如所擬辦理此繳等因蒙此查該州業將前情具稟到局職局正在核辦間奉到 鈞批遵即悉心核議查開燈供客大千屬禁煙店開燈尤屬不法職局前詳定私種私賣私吸三項罰章內載煙店開燈供客一經抓獲每名罰洋五元店主加五十倍科罰如抗延不交即將所有土膏貨物變價作抵如變價不敷作抵折罰苦力一年不准納贖等語此案郭子江以土膏店開燈供客明知故犯法不容寬該州已將起獲土膏變價充調驗所經費並將房屋傢具撥歸簡易識字學塾之用罰當其罪足以示儆惟該犯於衙署左近明目張膽違禁開燈尤非尋常藐玩可比是以又罰充苦力一年但念該犯房產貨物業已充公自應稍從末減應飭該州察奪如該犯果能悔過自新即准其隨時取具妥保出具永不再犯甘結量予開釋以昭炯戒而示體恤其餘辦理各節核與定章均符應准照行至該州朱直牧佑保辦理禁煙甚屬認真屢次躬親暗訪查拏私犯多起實爲州縣中不可多得之員應請 憲恩先行傳諭嘉獎以爲各屬之勸除札該州飭令遵照辦理並移會提學司外所有違飭核議冀州罰辦開燈煙店郭子江一案緣由理合備由具呈伏乞 憲台鑒核批示祇遵實爲公便

署晉州韓牧樹梅條呈憲政事宜文並批

呈爲辦理憲政宜去積弊統籌全局俾清本源而立始基恭錄大綱數則仰祈 憲鑒以備採擇事方今國步艱難凡智謀之士咸謂非立憲不足以保種非變法不足以圖強即當年 先太后 先帝疊降明諭亦已言之屢矣九年豫備之期爲時甚速近已倏忽二週轉瞬又屆第三年矣乃起視各省籌措之方改革之策不特毫無把握抑且闕寂無聞焉豈眞絕無善法良謨而然哉亦在上者有所顧忌而不爲在下者習於因循而不察耳木

本而水有源培其根則葉自茂澆其源則流自清變法之道當先從木本水源著手自有柁移舟轉輪運車行之妙用將見提綱絜領而事無不舉矣謹將管見所及姑卽其始終本末次第整頓之方敢爲我 大帥條列陳之一

訂定公費 俸以養廉國有定制故自廉俸而外有所營取卽爲贓言官之彈劾隨之士林之輿論鄙之此寰球各國無二理也乃進觀我國則不然廉俸外曰平餘曰差徭曰規費公然營取不以爲非人情好貨富而愈貪無厭之求幾至搜括靡已此制定廉俸之太薄直不啻 朝廷明教文武百官之貪殘而不予禁也試問一衙一署司案牘者幾何人司會計者幾何人司伺候奔走者又幾何人伙食薪資費用浩大如謂僅取給於廉俸能乎否乎近則州縣更不能自活矣平餘漸歸烏有差徭又擬酌提規費復行減免而一切上供下應之繁有增無減缺簡者枵腹從公缺大者賠墊纍纍仰屋咨嗟窮愁莫釋如此而欲責其教養兼施推行新政是猶牧馬者祇知策千里之能而不司其喂養也然間有州縣缺之美者以及府道以上位之高者坐擁厚資焉如故此亦立法之不善且最大不平者矣請自上從司道下至州縣以定劃一之公費諸凡平餘差徭規費和盤託出化私爲公禁一切意外之營求以養其廉隅庶在任百官一洗其營私之心而後自能踴勉從公以收勤慎廉明之實效惟公費不宜使之有餘亦不可使之不足考東西洋各國之制而斟酌損益其間當以品級定豐歉始爲盡善誠以司法與行政均爲國家辦事之員設或厚薄懸殊則鑽營請託之故轍仍不能免在上以調劑爲名在下以運動爲智奔競之風又將從此熾矣壞法亂紀寡廉鮮恥吏治之弊莫此爲甚 二曰開官智 立憲國以開通民智爲要義顧民智何由而開端賴地方官之教化倘在官人員未具憲政之知識將何以教養斯民故開通官智較開民智爲尤急也頑固之員每鄙夷憲政而不屑研究以故面從心違敷衍粉飾如隔靴之搔癢如對岸之觀燈似是而非絕無定見欲期新政之設施難矣姑以微賤之事業譬之農夫百畝之田猶必教稼教穡勗弟子以耕耨播種商賈千金之肆猶且學盤算策夥友以會計經營况此幹國濟世之大猷而使鄙夷反對不識不知之員任之是直未能操刀而使割也豈不殆哉美錦學製鄭子產猶以爲非况憲政頭緒紛繁斷非師心自用者所能解釋今有人素未習醫一旦遇有疾病又不考古方驗病症而遽欲施其醫術也謂不致殺人其誰信之鄙意謂開通官智之法急則治標從權辦理請自道府以下官無大小更班傳習亟設法律政治兩科之大學堂一所凡司法官進法律科行政官進政治科定期以一年爲卒業先從候補人員選擇品學之士統合道府州縣爲一班計直隸若干之缺卽選若干之人俟畢業後飭赴署理各缺以代現任人員然後再飭現任各員照章入學一年畢業仍飭令回任如此更番遞換不及五年直隸閩省

人員新學之知識皆普遍矣如此圖功收效必速 三曰清財政 國家收入之數歲有常經所以各國必講豫算顧地方制度亦宜仿國家豫算以行之然後財政不致有竭蹶之虞此萬國所同也查北洋財政一項歲入所得不爲不鉅若比較各省收入之數其充裕不啻倍蓰然司空仰屋興嗟頻年以來愈形困難者何也由於局所衆多費用無度冗員擁擠開支太濫故也以有限制之財供無限制之用安得無匱乏之憂哉惟有先查各局必不可省之費次查各局必不可省之員以某項收入之財供某局支出之用統盤籌畫量入爲出總攬北洋全局以定豫算決算如此則款不虛糜事無不舉矣何憂乎計窮何憂乎財乏 四曰位置冗員 文武百官受命國家簽分到省誰不願效犬馬之勞以上答 朝廷之知遇顧官之品級縱有高下而此方針則未嘗不同也敢小量之曰僅爲調劑噉飯已哉現今文明進步四海之內皆曰同胞善爲政者且爲同胞謀生計豈有不爲同寅計斗筲乎然在省各員詎徒事餽噉而來仕非爲貧聖有明訓爲貧而仕僅屈抱關閭民之中士居首欽其志量之高大也使徒以升斗潤之則年復一年老死溝壑而不悟與養犬馬者何以異而士亦足悲矣況值財政困難冗員亦未易普濟如其願此失彼徒增怨歎之聲何若公諸大同以養楨幹之器愚以謂位置之法勝於裁汰請立法政學堂一所安置闔省冗員妥籌經費以垂久遠諸凡全省常年各局乾脩以及調劑冗員之費切實查明提存司庫凡考取入堂學習之員自道府以下分作四等各給優厚之津貼學成畢業後分別試署各缺調取現任各員輪流更替使一省之內無不學之官所謂學而優則仕仕而優則學聖賢爲政之旨在是矣三年小成五年大成尙何冗員之足患哉 五曰培養審判人才 西洋各國司法獨立解釋獨立二字之義猶言裁判官受命君主代君主行執法之權而不容行政官之干涉也蓋行政官有行政上之大權與司法權歧而爲二故名之曰獨立中國兩權淆混由來舊矣今欲改專制之制度爲立憲之國家斯三權分立之學說不可以不講惟裁判制度錯綜煩雜未見有不學而能者先當講解構成秩序之法次宜考察訴訟手續之法終宜研求民刑實用之法尤必熟悉中國法然後參考外國法方臻美備近日我 國家刑法草案業已頒行民法草案亦將發布各直省審判成立之期定在明年乃起視人才非特知新法者寥寥無人卽知舊日之大清例者亦不可多得苟以七年之病求三年之艾古人猶有譏諷焉況需才卽在目前而欲以不學無術之員備位湊數是徒有裁判之虛名仍襲發審之舊習能免西洋各國竊笑乎請及早設立

審判學堂釐訂課程聘請教習限以畢業之期以爲豫備所謂萬事豫則立不豫則廢豫養審判人才爲尤急也
六曰專責成考勤惰 百官之廉俸何莫非民脂民膏誠以無君子莫治野人國家重其祿所以勸士也在官人員
既受優薪厚祿之尊榮惟此無怠無荒庶上以答知遇之隆下以慰蒼生之望使徒薪俸坐擁般渙優游非特尸位
貽譏亦且素餐增愧矣何須有此備位庸員爲哉况一官有一官當盡之職守一縣有一縣應辦之事功推而至於
大小各局所凡膺祿養之員均有應盡之責所謂權利義務相對待也愚以謂用人不可不慎責任不可不專賞罰
不可不嚴勤惰不可不察惟其責任專則功罪之間無旁貸惟其勤惰察則賞罰之際無怨尤愧奮由此生功業亦
由此建昔漢武鄉侯治蜀持大綱不責苛細所以能不勞而理也凡在上者既操黜陟之柄豈可不行舉錯之權但
期賞必當功罰必當過無以讒言淆黑白無以請託昧鑑衡自然公道昭然人心思奮矣 七曰禁門包除規費
西人論中國之秕政動曰管官之官太多管民之官太少夫管官之官多苟能督率有方絕無私弊豈能加以指摘
無如上之視下每以奉迎課疏密不以功過辨是非甚或門政弄權家人用事宴居則規費坐索巡閱則供應煩苛
偶不遂心妄加黑白浸潤之譖尤足令屬下寒心以視 聖朝設官分職監核功過考察賢愚之宗旨大相反矣
更可慮者上下之情不通辦事亦諸多棘手夫行政之道迅速爲貴近日頒行憲政分年籌辦各有限期公令綦嚴
刻不容緩倘或因規費未遂以至積壓公事遲悞之咎又誰任其責耶愚以謂宜禁絕門包刪除規費以期上下肅
清庶可公私兩益凡西人所指以謂秕政者藉可稍資補救矣 八曰差缺不宜屢易生手 一省之內在衙署者
爲缺在同所者爲差顧差缺之名雖殊而同爲地方辦事之員則一也擇其人而畀以事權應如何審慎於初方可
期收效於後諺曰疑人莫用人用人莫疑人至理名言洵足爲法况官衙如同傳舍在當事者皆存五日京兆之心
遇事敷衍不期振作欲望其施教布政籌備措施蓋亦僅矣間有一二好名之員不忍上負 朝廷違厥初志從
公不遺餘力辦事頗具熱心然一簣之功尙虧及瓜之期已屆勢必更易生手交代後人每見接手之員未必存心
忠厚繼續其成或卸其責而不問或反其道而邀功滿腹私心不講公利如此則毀墮破壞之習其能免乎憲政爲
期緊迫尤宜各顧考成愚以謂在差在缺人員既經委以事權必須久於其任倘無過犯慎無輕易更調而實缺人
員尤宜令責之專而任之久也聖人久於其道而化成必可拭目俟之矣 以上八款無非就目前時勢以立言擇

其重且要者實爲行政之綱領論實卑而淺陋事亦簡而易行此外詳細條目整頓事項日警察日學堂日自治日實業日河工日森林日水利日礦政日路政日軍政凡此十大端均爲行政上事務應各就地擇人因時立法然宜整頓者尙多如有諮詢之處願陳管見以備採擇是否有當伏乞 裁示祇遵實爲公便

文告錄要

督憲批示錄要○長垣縣田鳴文稟教練所頭班學生期滿分派各區實地練習暨二班學生入所教練由 批據稟已悉仰警務處查照飭知冊存此繳○懷安縣俞蘭元稟籌設巡警教練所開辦日期由 批據稟已悉仰警務處核飭遵照摺存此繳○定興縣張現詳開辦自治研究所由 批詳摺均悉該縣舉辦自治研究所應由地方公款內籌撥經費不得借案罰款仰自治總局查照飭遵繳

臬台批示○清豐縣民人蘇惠來司呈控一案 批控開捕役詐贓虛實均應澈究候札飭該縣作速查案集訊確情據實擬議詳奪毋稍徇延爾即回縣候審毋得在省逗遛○完縣民人甯喜成來司呈控一案 批查閱現呈如果異母弟有忤逆情事何以爾父並不赴縣呈送顯係徇詞妄瀆呈仍不准粘單附○圍場廳民人李芳來司呈控一案 批案已飭廳查究新任俞丞非原審之員無所用其迴護一經集訊虛實自有公斷着即遵批回廳候審毋庸多瀆仍候行廳查照粘單附

運台告示○爲出示曉諭事宣統元年十一月二十三日奉 欽命督辦鹽政大臣 度支部大堂貝子銜鎮國

公載電開浙江運司兩淮運司山東運司長蘆運司廣東運司四川鹽道雲南鹽道福建鹽道鑒洪木大臣奉

欽命督辦鹽政籌擬整頓總以體恤商民爲宗旨該司道現在所辦鹽務一切事宜應仍照舊辦理仰即開具詳細事宜清單送度支部備查一面出示曉諭商灶人等各安生業勿惑浮言並即轉知各局一體遵照等因奉此除移行外合亟出示曉諭爲此示仰商灶人等一體知悉均自各安生業毋惑浮言切切特示

直隸禁煙總局批示○龍門縣稟奉文查辦私吸私賣各戶現經罰辦由 批稟冊均悉前據該縣稟稱已無一家煙店吸戶領照者亦無一人乃據本局派員密查私吸私賣者竟有三百數十戶之多當飭該令詳查具覆茲據

稟覆各節或稱先已外出不知去向或但憑自供向不賣煙吸煙遂具結完案含糊敷衍姑不具論但問已經該令訊明供認不諱之韓剃頭等五十二名該縣既已報淨何以尙有吸戶如此之多既無煙店平日煙從何來綜計所吸之數勢非有大宗私販不能供應該縣僅憑一紙公文捏報澄清現當煙禁森嚴之際乃竟藐違功令有心欺飾實屬咎有應得應候彙案詳辦至該縣既查獲私吸之戶私煙究買自何處仰再認真嚴查究治據實稟覆所收罰款應查照新詳章程提解三成來局餘充該縣戒煙經費以符定章此斥繳

畿輔近事

奏覆議員限制兼差事○憲政編查館遵

旨核議翰林院侍讀吳士鑑奏各省議員宜限制兼差一摺當經附

片奏覆大旨謂該侍讀所奏意在預防兼差流弊臣館前於議覆京旗議員免扣資俸摺內業經聲明常駐議員停其差委早經示以限制該侍讀原奏用意已括於臣館前奏之中至本省紳士辦理學務原與常差不同刻下京外新政多係創舉人才每苦缺乏諮議局當開辦伊始正宜優其待遇養其程度方可爲預備立憲之基且兼差業經奏停學務究係本省紳士應辦之事但於職務無妨未始不可期其兼濟倘如原奏有鑽營攻訐等弊即犯諮議局定章品行悖謬之條各該省自可遵章辦理正不必預爲顧慮云云已於上年十二月二十四日奉

旨依議矣

咨請保護游歷外人○督憲准

外務部咨日本大尉板谷清寬由京赴直隸山東二省游歷又准山東撫院咨英

國女教士柯加恩德安義教士韓蔭士携眷均赴樂陵教士婁森葉得恩均携眷由武定俱赴山東直隸奉天等省游歷各等情已分別札飭所屬照約保護矣

官場紀要○新授陝藩余方伯誠格前日由京來津赴院稟見即辭回京

催送物品陳列之照會○天津商會照會各分會文云爲照會事宜統元年十二月十九日奉直隸督憲陳札開

爲札飭事案查前准 南洋大臣咨南洋創設第一次勸業會以開風氣咨送簡章草案前來業經札行布政司通飭各屬天津商會移行各商會一體遵照嗣經前督部堂於直隸設立南洋勸業會出品協會派委總協理安爲籌辦其該會蒐集赴賽物品運輸陳列事極繁曠當據該會詳擬派員分赴各屬調查蒐採並援照南洋章程懇請通飭各府廳州縣一律作爲本省出品協會贊助員即經批准札行布政司通飭各屬一體遵照並由司詳定獎懲章程亦經行飭該協會轉飭各屬一體遵照各在案現在會期將屆應由該司再行通飭各府廳州縣天津商會再移行各商會同勸告各工商精選物品迅速運津以備輸送陳列庶免貽誤會期是爲至要合行札飭札到該商會即便遵照辦理此札等因奉此除分別照會並登報宣佈外相應備文照會貴分會煩爲查照辦理施行須至照會者

各省近事

政治

蘇垣另設裁判分廳○蘇省警務公所具稟撫院請另設裁判分所等情奉護撫批云來牘閱悉各區違警人犯向以馬路及閻胥門外居其多數從前俱由各分局自行審理今既在公所特設司法科專司裁判各區無審理之權而公所設在城內與馬路及閻胥門外相隔較遠若概行解所裁判暮夜雨雪誠多不便所請在馬路分設裁判廳另行派員辦理將馬路及閻胥門外拿獲人犯就近俱解該分廳訊辦自應照准至馬路現成官房殊不易覓惟另贖請將馬路工程局歸併公所亦已批准照辦自應即將馬路工程局房屋撥歸公所所以設分廳除行農工商務局外希即查照辦理

皖省組織會議廳○皖撫朱中丞以諮議局所呈各議案其適當與否監督官廳有拒納之權此關於憲政應與應革事宜亦必使官紳互相討論故擬仿江蘇辦法暫就署內組織會議廳撫院自爲議長其餘參議各員則以司道充之凡值三六九日爲開會之期提議要政及核復諮議局議案頃已訂立簡章九條通飭各屬一體遵照矣培養地方自治人材○鄂省自治籌辦處附設之自治研究所學員上年二月內即當卒業現籌辦處以各屬地方寬廣需用自治人材衆多應繼續辦理再招第二班士紳就學以廣造就特於日前通札各郡守轉飭所屬州縣

先期考選品行端正之士二人以下五人以上爲額仍按照定章以有選民資格得充自治職員者爲限考選定後准於正月底申送到省聽候覆試分別去取留所肄習

實業

招商承辦鹽池問題○兩淮運司增都轉奉督鹽憲張制軍札云據商人同德昌稟在葦蕩營鋪築鹽池接濟南銷北商忽生嫉忌請另行招商認辦等情到本部堂據此除批查該商於葦蕩左營鋪填鹽池係端前部堂因南場產不敷銷招令興辦當時實煞費經營該商現因北商生嫉且素以攻訐爲能致生戒心請轉飭諭令北商查照該商所鋪原價承受或飭局另行招商惟該商所鋪本爲濟南而設與北商所銷有何干涉如北商果有阻撓情事准由該商稟訴以憑懲罰而保商業所請或歸北商承受或另行招商候札運司察酌辦理至他商未經承受以前該商仍應竭力雇收以濟岸銷毋庸疑阻切特札司察酌辦理云

各國新聞

英日博覽會筵宴○路透電云英國納福洛德大公爵在英日博覽會設筵款待日本派充該會監督和田氏列坐者五百餘人該大公爵舉杯爲日皇壽并稱讚日皇對於該會之注意和田氏答云英日兩國邦交甚篤實無可比喻現在開辦博覽會必有進步庶使英日兩國商務益見發達并可使兩島國(指英日兩國)愈加親近英京府尹亦舉杯爲日本壽并云此次開辦英日博覽會實爲歐洲最榮幸之舉英大臣烏德氏云英日博覽會對於聯絡英日商務問題大有價值克拉洛斐氏云此次開辦英日博覽會甚爲完備因未舉開辦典禮之前已經組織妥協和田氏答謝并表明日人對於該會之熱心

英國紡棉工人會議○路透電云英國紡棉工人會議美國與英國曼柴斯德地方棉業之事并提議仍將作工時刻減少至西四月二十六號爲止

英國議院開議○路透電云英國議院現在開議所有議員均已選舉

德親王游歷至英○柏林電云德國亨利親王現到英京在巴慶漢宮居住

德國樞臣之升調○柏林電云德政府派樞密院大臣康拉德氏爲布蘭敦伯克總督

俄國集款組織飛艇隊○柏林電云俄國合國集款組織飛艇隊

第四節 自治職

第八條 京師地方設自治職如左

一區議事會區董事會

二總議事會總董事會

第九條 內外城巡警各區設區議事會區董事會各一所但各區有人口較少者得與鄰近之區合爲一所其總議事會及總董事會內外城應合設一所 京營各區設區議事會區董事會各一所其照本章程所定應屬總議事會總董事會權限者即由各區隨時連合協議辦理至應屬自治總監督核辦事件由各自治監督會同辦理

第十條 辦理自治事宜應各設自治公所爲議事會會議及董事會辦事之地自治公所可酌就本地地方公產房屋或廟宇爲之

第十一條 內外城各區與京營各區有彼此相關之事必須連合辦理者得以協議設連合會辦理之 京師地方自治各區與附近地方自治各區有前項情事時亦同 第五節 居民及選民

第十二條 凡於京師地方現有住所及寓所者不論本籍旗籍或流寓均爲居民 居民按照本章程所定有享受本地方公益之權利並有分任本地方負擔之義務

第十三條 居民具備左列資格者爲選民

一有本國國籍者

二男子年滿二十五歲者

三居本地方接續至三年以上者

四年納正稅或本地方公益捐二元以上者 居民內有素行公正衆望允孚者雖不備第三第四款之資格亦得以議事會之議決作爲選民 若有納正稅或公益捐較本地選民內納捐最多之人所納尤多者雖不備第一第二款之資格亦得作爲選民

第十四條 有左列情事之一者雖具備前條第一項各款及合前條第三項所定資格不得爲選民

一品行悖謬營私武斷確有實據者

二曾處監禁以上之刑者

三營業不正者 其範圍以規約定之

四失財產上之信用被人控實尙未清結者

五吸食鴉片者

六有心疾者

七不識文字者

第十五條 選民按照本章程所定有選舉自治職員及被選舉爲自治職員之權 以第十三條第三項資格作

爲選民者有選舉自治職員之權若不能自行選舉權者得遣代理人行之 代理人以具備第十三條第一項

第一二款之資格且不犯第十四條所列各款者爲限

第十六條 左列人等不得選舉自治職員及被選舉爲自治職員

一京師地方官吏有直接管理地方之職者

二現充軍人者

三現充本地方巡警及兵丁者

四現爲僧道及其他宗教師者

第十七條 現在學堂肄業者不得被選舉爲自治職員

第十八條 凡被選舉爲自治職員者非有左列事由之一不得謝絕當選亦不得於任期內告退

一確有疾病不能常任職務者

二確有他業不能常居境內者

三年滿六十歲以上者



日 本 大 阪 天 王 寺 之 圖

陝撫恩奏陝省遵設存古學校摺

初八日

外務部奏恭印 大清會典并請 頒賞摺

郵傳部奏覈覆京漢鐵路動用借款報銷摺

又奏接收萍潭鐵路檔卷圖契摺

初九日

專司訓練禁衛軍大臣奏刊關防並刊發鈐記片

又奏請撥軍餉米片

又奏調溥侗等充軍諮官片

初十日

度支部奏議覆東督奏請撥奉天黑龍江已酉年的餉

摺

十一日

理藩部代奏喀喇沁郡王請入陸軍貴胄學堂聽講並

請留京當差摺

禮部奏恭製 德宗景皇帝神牌開工吉期並交內務

府豫製龕案祭器等項摺

稅務大臣會奏核議鄂省奏湖北造紙廠徵免稅項分

別准駁摺

大理院奏清釐旗地控案酌擬分別辦法摺

十二日

度支部奏議覆江督奏淮安關徵稅一年期滿懇請從

寬議結並陳近年稅收情形摺

直督楊奏請銷永定河加撥歲修銀兩摺

又奏請銷永定河另案備防稽料銀兩片

陝撫恩奏遵設勸業道遴員請 簡摺

十三日

郵傳部奏遵照奏案察看員司核減津貼摺

吏部奏恭進 恩詔開復條例摺

直督楊奏報撥玉田縣上年冬季供應 各陵員役俸

米摺

又奏報撥本年春季 西陵員役俸餉摺

湘撫岑奏道員積勞病故懇 恩賜卹並 宣付史館

立傳摺

十四日

外務部奏軍機處兼行章京照案請獎摺

民政部奏 奉移要差派遣消防隊沿途守護請撥款

項摺

直督楊奏查明雜項奏銷摺

又奏核明北洋陸軍收支餉雜各款摺

又奏甄別道員片

又奏深州牧續綿送部引 見片

江督端奏徐州各屬舉辦清鄉片

十五日

度支奏核覆北洋陸軍各學堂光緒三十一年分收支

各款摺

外務部奏官電局委員請獎片

又奏譯電學生請獎片

十六日

吏部奏酌擬考核調用人員切實辦法摺

郵傳部奏覆陳勘查四川漢路綫股資大概情形摺

又奏查明湖北川漢鐵路資本情形片

外務部奏供事武弁請獎摺

十七日

度支部奏請派員前往江南等省查勘禁種土藥情形

片

蘇撫陳奏新訂刑律草案逐條籤註摺

十八日

陸軍部奏隨 扈官兵應須馬匹改折銀兩免由牧場

調取片

直督楊奏請署要缺同知摺

江督端蘇撫陳奏覆陳查明江南司道大員被叅各款

摺

十九日

禮部會奏議覆御史俾壽奏請嚴定 朝賀行禮章程

摺

直督楊奏知縣到省期滿甄別片

鄂督陳奏湖北陸軍特別小學堂將屆畢業擬援例請

獎摺

又奏統捐各卡酌量變通並核定歲額片

二十日

魯撫袁奏遵章臚列籌備第一年期成績摺

又奏派候補道許之琪督辦運河工程片

蘇撫陳奏太湖水師巡防隊改編營制餉章摺

二十一日

農工商部奏南洋安班瀾地方設立華商總會請給關

防摺

直督楊等奏守護 西陵官弁兵丁籌擬整頓辦法摺

又奏守護 東陵官弁兵丁請加給津貼等項片

二十二日

禮部奏王公百官班見 監國攝政王請 欽定日期

摺

度支部奏恭進新鑄宣統年號四種銅幣並一文新錢

摺

恩同再造

廣東香山有患頭痛甚劇腦筋衰弱者為韋廉士大醫生紅色補丸所治愈
 楊君月樵為毗連澳門之香山海防公司總辦專抽海防捐事者也嘗自述其患病獲愈之情形如左云○數年前
 余曾患頭痛勢甚劇烈日輕夜重左穴更甚常使終夜不得合眼受此慘苦足有兩年以致胃口失調身軀瘦弱漸
 致胃痛背痛接踵而起甚至全身骨節無不皆痛纏綿兩載憔悴不堪自鏡面容全失康健之形雖嘗延醫中外服
 藥多方而竟毫無影響後聞韋廉士大醫生紅色補丸有愈疾之奇功因決意一試之然自念病根之重且久恐非
 是丸所能速療詎意服未幾時漸見功效連服多日殊覺爽適異常頭與全體四支痛皆全消居然復為康健之人



香山楊君月樵患頭痛腦筋衰弱者為韋廉士大醫生紅色補丸所治愈
 矣當未服韋廉士大醫生紅色補丸之前若多作書便覺頭暈不辨
 月樵患頭痛腦筋衰弱者為韋廉士大醫生紅色補丸所治愈
 字跡今則無論握管終日毫無頭暈之患自覺宛似重生新人痛楚
 若失胃口極佳日能從公夜能酣睡此境此樂誠為韋廉士大醫生
 紅色補丸之所賜也回憶醫士之言曰此種頭痛若不治愈恐將由
 此而喪生由是而知生我者豈非韋廉士大醫生紅色補丸乎能不
 永感深恩沒齒不忘哉 楊君月樵所患者即筋系疼痛腦筋衰弱
 大醫生紅色補丸之症也韋廉士大醫生紅色補丸為天下著名補血補腦之聖藥所
 以能治其疾之原由自可曉然易明矣蓋是丸有清血之功且能使
 血有力而長新血其所生稠紅之新血能驅除身體中一切諸疾使
 血薄氣衰 諸虛百損 少年斷喪 陽萎不舉 風溼骨痛

患病衰弱之體而得復原康健為是丸嘗治愈
 腰背疼痛 左癱右瘓 跳舞瘋病 腳氣衝心 胃不消化 肝經各病 瘡疥疔疹 乾溼癬癩 皮膚諸症
 又為天下馳名醫治婦科聖藥如月信不調經來腹痛舉凡少女壯婦一切諸症服之無不立奏奇功固非市
 上所稱紅衣紅血等丸所可比擬也 韋廉士大醫生紅色補丸中國各處商店藥局凡經售西藥之處均有出售
 或直向上海四川路八十四號韋廉士大醫生藥局中國總發行處購買或向四川重慶白象街分局購買亦可 價
 銀每六瓶大洋八元每一瓶大洋一元五角 遠近郵費一律不取

上海四川路八十四號韋廉士大醫生藥局啟

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窯等創設新廠自丁未臘月新廠開機以來出貨加增行銷廣遠實經本廠西洋化驗師悉心研究精益求精曾寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鑲鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡蟒蟒洋貨布疋各色喇厚呢京廣貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器珠藍 奇巧美術玩器 學界文房用品 旅行攜帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

天津商務印書館廣告

五月份牌
諸君贈品

歲逢庚戌萬象更新本館特製月份牌一種文雅富麗兼擅其勝專備 購書
滿現洋二元者謹贈月

份牌 一張滿四元者二張 餘可類推 不滿二元者不贈 訂定正月初十日贈起

至二月初十日止 如期內業已送完則當改贈他書臨時再行佈告

敬贈書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉 附 郵票購書 章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

京奉鐵路緊要廣告

本局現定得宣統二年正月初六日即西歷一千九百十年二月十五號起所有短期免票一律改換顏色其從前所發之短期免票無論逾期與否一概作廢特此廣告

北洋股票交通有限公司遷移廣告

逕啟者敝公司於光緒三十四年十一月間詳蒙北洋大臣批准設立其宗旨在於流通股票行用利便期人人勃起股分思想俾實業有逐漸發達之機而免貿易無門入股者因而觀望湖自開辦以來交易甚夥成效頗著誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠意今准於宣統二年正月初一日遷移北馬路北洋天津銀號門內面北樓上房間較前寬大遇有出進股票者接洽頗形方便特此登報聲明即請光顧諸君移玉是幸
北洋股票交通有限公司謹白

北洋師範學堂招考初級師範補習班廣告

一學額 百二十名 二學科 修身教育國文經學歷史地理算學理化博物日語英語圖畫體操 三年齡
二十歲以上二十七歲以下 四資格 曾在初級師範簡易科二年以上畢業領有文憑者 五期限 川年期
滿升入本堂優級師範科 六獎勵 俟優級師範科畢業後查照定章請獎 七報名 自宣統元年十二月初一日起至宣統二年正月二十日止各具照像片一張親赴本堂報名處填寫履歷呈驗文憑聽候定期考試
考試 按照初級師範學堂第二年各科功課程度分科考驗錄取後應繳呈保證金十元俟畢業後發并還取具
妥實保人保證書備案 九學膳費 官費 十書籍 操衣自備 十一地址 天津河北新開河

北洋師範學堂招考音樂體操講習班廣告

一學額 六十名 二學科 修身教育國文歷史地理英文算學圖畫手工格致唱歌樂器樂典音譜體操遊戲
兵學生理 三資格 漢文通順體格健全向無疾病嗜好者 四年齡 十八歲以上二十五歲以下 五期限 三年畢業
咨請提學司派充各屬教員 六報名 自宣統元年十二月初一日起至宣統二年正月二十日止各具像片親赴本堂報名處填寫履歷書聽候定期考試 七考試 檢查身體試驗國文論說一篇錄取後應繳呈保證金十元俟畢業後發還并取具妥實保人保證書備案 八書籍 操衣自備 九地址 河北新開河